



Na osnovu člana 53. stav 3. i 112. Zakona o visokom obrazovanju (Sl. Novine Bosansko Podrinjiskog Kantona broj 2/10, 12/14 i 10/17), i članova 29., 89. i 90. Statuta Senat American Northwest University of Health, Science and Technology/Američki Sjevero-zapad Univerzitet za Zdravstvene nauke i Tehnologije ANUHS/ASUZN na svojoj sedmoj redovnoj elektronskoj sjednici održanoj dana 07.05.2024 d o n o s i:

ODLUKU

O OTVRĐIVANJU STATUSA NASTAVNA BAZA FAKULTETA ZDRAVSTVENIH STUDIJA ZA PRIVATNA STOMATOLOŠKA ORDINACIJA „DR PROHIĆ STOMATOLOGIJA 1930“

Član 1.

Ovom Odlukom utvrđuju se da je Privatna Stomatološka Ordinacija „Dr Prohić Stomatologija 1930“ nastavna baza ANUHS/ASUZN-Fakultet zdravstvenih nauka sa smjerovima, za one kliničke predmete i oblasti za koje ispunjava uslove.

Član 2.

Privatna Stomatološka Ordinacija „Dr Prohić Stomatologija 1930“ je zdravstvena ustanova registrovana za obavljanje oralne hirurugije sa polivalentnom stomatologijom dentalne zdravstvene zaštite koja ispunjava uvjete prostora, opreme i kadrova za obavljanje najsloženijih oblika specijalističko-konzultativne dentalne zdravstvene i stomatološke djelatnosti na tercijarnoj razini, te oralnih hirurških zahvata u lokalnoj anesteziji.

Član 3.

U nastavnoj bazi Privatna Stomatološka Ordinacija „Dr Prohić Stomatologija 1930“ studenti Univerziteta će obavljati dio praktičnog nastavnog plana i programa studijskih programa Fakulteta zdravstvenih nauka, na koje su upisani.

Član 4.

Ova odluka stupa na snagu danom donošenja.

PREDSJEDAVALJUĆI SENATA

Prof. Dr Muamer Kalić

Dostavljeno:

1. Dekan FZN
2. Služba za nastavu
3. Privatna Stomatološka Ordinacija „Dr Prohić Stomatologija 1930“

AMERICAN NORTHWEST UNIVERSITY OF HEALTH SCIENCE AND TECHNOLOGY- AMERIČKI SJEVERO-ZAPAD
UNIVERZITET ZA ZDRAVSTVENE NAUKE I TEHNOLOGIJE
ID BROJ/ID NUMBER:4245074910006, BROJ SUDSKOG REŠENJA/ COURT DECISION NUMBER: 045-0-REG-14-000 063,
OPĆINSKI SUD U GORAŽDU/ MUNICIPAL COURT IN GORAŽDE
TNR ZIRAAT BANK 186-000-1072476-159



SPORAZUM O SARADNJI

Da je American Northwest University of Health Science and Technology/Američki Sjeverozapad Univerzitet za Zdravstvene Nauke i Tehnologije ANUHS/ASUZN osnovan kao Privatna visokoškolska ustanova, te rješenjem broj: 045- 0- Reg-14-000 063 od 13.10.2014. godine upisana u sudski registar, a rješenjem broj: 10-38-2437-5/14 od 23.09.2014. godine u Registar visokoškolskih ustanova u Bosansko-podrinjskom kantonu, i da ANUHS/ASUZN u svom sastavu ima i Fakultet zdravstvenih nauka, sa utvrđenim studijskim programima; Opšta medicina, Stomatologija, farmacija, Opšte sestrinstvo i Fizikalna terapija. Kao mlada ustanova ovoga tipa ima viziju razvoja naučno-istraživačke i obrazovne djelatnosti, između ostalog, i na području zdravstvenih nauka. Uz navedeno, aktima ANUHS/ASUZN predviđena je mogućnost izvođenja nastave na engleskom i turskom jeziku, zbog pokazane potrebe u regiji za fakultetima ove vrste i nastavom organiziranom na taj način.

Da ANUHS/ASUZN ima misiju i cilj da planiranjem i realizacijom nastave, te ostalim oblicima rada sa studentima i drugim korisnicima svojih usluga izgradi imidž institucije od značaja za regionalni razvoj. Vođeni programskim ciljevima, ANUHS/ASUZN uspostavlja odnose sa institucijama koje daju lokalni i međunarodni legitimitet obrazovnom projektu koji će Univerzitet da provodi.

Da ANUHS/ASUZN kroz kontinuiranu saradnju sa relevantnim subjektima gradi odnose povjerenja i profesionalnosti sa korisnicima usluga u lokalnoj zajednici i regionu, a kroz uspostavljanje Sistema kvaliteta primjenjuje međunarodne standard obrazovanja.

Da je odredbama čl. 89. i 90. Statuta ANUHS/ASUZN br. 08-392-01/22 donesenog 24.02.2022. godine utvrđeno da ANUHS/ASUZN može sklapati posebne ugovore o organiziranju studijskih programa ili izvedbe dijela određenih studijskih programa, a što treba koristiti kao model unaprjeđenja saradnje sa ključnim akterima u oblasti obrazovanja i zdravstva, u cilju pružanja najvećeg mogućeg standard znanja i vještina polaznicima studija ANUHS/ASUZN.

Da Privatna Stomatološka Ordinacija „Dr Prohić Stomatologija 1930“ (u daljem tekstu: „Dr Prohić Stomatologija 1930“) teži da postane respektabilna, kadrovski i materijalno vrhunski opremljena stomatološka zdravstvena ustanova posvećena pacijentu, učinkovit prenosnik znanja i

vještina potrebnih za kvalitetno educiranje stručnjaka dentalne medicine, ustanova koja ima jasnu viziju i misiju svog razvoja, ustanova koja je otvorena za nove ideje, inicijative i težnje, s ciljem unaprjeđenja zadovoljstva svih interesnih skupina, sa naglaskom na pacijente, kojima će se, kroz process dentalne zaštite i njege, a uz primjenu najsavremenijih stomatoloških postupaka, pružiti dentalne usluge vrhunskog kvaliteta

Da „Dr Prohić Stomatologija 1930“ predstavlja visoko stručnu zdravstvenu ustanovu iz oblasti dentalne medicine te da ima za cilj da pruži najbolju uslugu pacijentima u skladu sa evropskim i svjetskim standardima, rukovodeći se vrijednostima timskog rada, razvijanjem odgovornosti prema zajednici, poštivanjem etičkih kodeksa, strategijskim upravljanjem resursa, kontinuiranim unaprjeđenjem dijagnostičko-terapijskih procedura i metoda liječenja od strane kvalitetnog i educiranog stručnog kadra, što u krajnjoj distanci doprinosi i unapređenju zadovoljstva ključne interesne skupine – korisnika njegovih zdravstvenih usluga.

Da „Dr Prohić Stomatologija 1930“ po strukturi kadra, opreme, prostora i rezultatima postignutim u praksi predstavlja vrhunsku zdravstvenu i istraživačku ustanovu.

Da Odlukom Senata Univerziteta „Dr Prohić Stomatologija 1930“ može dobiti status nastavne baze Univerziteta kojom bi bilo utvrđeno da „Dr Prohić Stomatologija 1930“ obavlja nastavno-edukativni rad za potrebe fakulteta zdravstvenog usmjerenja, naučno-istraživački rad, medicinska i naučna ispitivanja, kao i klinička ispitivanja u djelatnostima za koje je registrirana, kao i da obavlja stručno osposobljavanje i obrazovanje doktora dentalne medicine, te učestvuje u izvođenju dodiplomske i postdiplomske nastave na studijskom programu Stomatologija Univerziteta.

Da će u saradnji sa ANUHS/ASUZN, a kroz nastavne programe Fakulteta zdravstvenih nauka ANUHS/ASUZN, i to za studijski program Stomatologija, biti intenzivirane aktivnosti na područjima naučno-istraživačkog rada u svim oblastima, kako je unaprijed navedeno,

i na osnovu obostrano iskazane volje

American Northwest University of Health Science and Technology/Američki Sjevero-zapad Univerzitet za Zdravstvene Nauke i Tehnologije ANUHS/ASUZN, sa sjedištem u ul. Seada Sofovića Sofe 27, Goražde, kojeg zastupa VD Rektor Prof dr. Šefket Krcić (u daljem tekstu: Univerzitet)

i

Privatna Stomatološka Ordinacija „Dr Prohić Stomatologija 1930“ Sarajevo, sa sjedištem u ul. Patriotske lige 4 Sarajevo, kojeg zastupa Prof. Dr Samir Prohić,

Zaključuju:

SPORAZUM O SARADNJI

Član 1.

American Northwest University of Health Science and Technology/Američki Sjevero-zapad Univerzitet za Zdravstvene Nauke i Tehnologije ANUHS/ASUZN i „Dr Prohić Stomatologija 1930“ zaključuju ovaj Sporazum radi definiranja međusobnih odnosa, prava, obaveza i odgovornosti u oblasti saradnje, koja može da se provodi u različitim oblicima partnerstva, ali se bazira na povezanosti osnovnih djelatnosti potpisnika ovog Sporazuma i sa ciljem unapređenja i ostvarivanja zajedničkih interesa.

Član 2.

- a) Naučno-istraživački rad i projekti;
- b) Medicinska i naučna ispitivanja;
- c) Nastavno-edukativni rad (angažmanom stručnjaka/nastavnika, asistenata, radnika, saradnika, istraživača/ „Dr Prohić Stomatologija 1930“ u procesu provođenja teoretske nastave na Fakultetu zdravstvenih nauka-Stomatologija, a koji za to ispunjavaju uvjete utvrđene posebnim propisima);
- d) Razmjena obrazovnog, naučnog i stručnog kadra;
- e) Organizaciju i učešće na konferencijama, obukama, seminarima, radionicama, vježbama i drugim modulima obučavanja polaznika studijskih programa Fakulteta zdravstvenih nauka;
- f) Ekspertnu, odnosno konsultantsku pomoć i saradnju u utvrđivanju sadržaja studijskih programa, a koji se odnose na oblast zdravstva;
- g) Druge oblike saradnje kojima se ostvaruju interesi strana potpisnica ovog Sporazuma, a saglasno odredbama Statuta ANUHS/ASUZN i „Dr Prohić Stomatologija 1930“, kao i propisima iz oblasti visokog obrazovanja i oblasti zdravstva kojima se uređuje rad i djelatnost ovih ustanova.

Osim saradnje iz stave 1. Ovog člana, potpisnici Sporazuma saraduju i kroz nastavno-edukativni rad za potrebe Fakulteta zdravstvenih nauka ANUHS/ASUZN, a u smislu provođenja praktične nastave. „Dr Prohić Stomatologija 1930“ u tom slučaju ima status partnera i čini nastavnu bazu ANUHS/ASUZN za provođenje praktičnog dijela nastave Fakulteta zdravstvenih nauka.

Bliži uvjeti saradnje iz stave 2. Ovog Sporazuma uređuju se posebnim aktom (ugovorom, sporazumom i sl.) između ANUHS/ASUZN i „Dr Prohić Stomatologija 1930“, a za potrebe Fakulteta zdravstvenih nauka.

Član 3.

ANUHS/ASUZN je obavezan da na osnovu javnog oglasa izvrši selekciju profesora, predavača i asistenata na Fakultetu zdravstvenih nauka. Dio nastavnog kadra činit će i stručnjaci „Dr Prohić Stomatologija 1930“, prvenstveno za klinički dio nastavnih planova i programa Fakulteta zdravstvenih nauka, odnosno studijskog programa Stomatologija organiziranog u okviru ovog Fakulteta.

Član 4.

Zajedno sa Mnadžmentom „Dr Prohić Stomatologija 1930“ ANUHS/ASUZN će izvršiti selekciju nastavnika i asistenata iz „Dr Prohić Stomatologija 1930“, koji će nakon procedure izbora na ANUHS/ASUZN dobiti i odgovarajuća akademska zvanja i biti uključeni u izvođenju nastave i vježbi na Fakultetu zdravstvenih nauka-Stomatologija, kako na dodiplomskom, tako i na postdiplomskom studiju.

Zbog integralnog procesa izvođenja nastave i vježbi, nastavnici i asistenti iz „Dr Prohić Stomatologija 1930“ imaju nastavne obaveze i odgovornosti kao stalno zaposleni na Fakultetu zdravstvenih nauka ANUHS/ASUZN, sa nepunim radnim vremenom čije trajanje će ugovorne strane odrediti naknadno, i na taj način njihovim angažmanom ANUHS/ASUZN ispunjava sve uvjete u pogledu propisanih kadrovskih standard za rad Fakulteta.

Član 5.

Izabrano akademsko osoblje iz člana 4. Ovog Sporazuma zadržavaju zvanja i angažman na Fakultetu zdravstvenih nauka ANUHS/ASUZN po osnovu ovog Sporazuma u slučaju prestanka radnog odnosa u „Dr Prohić Stomatologija 1930“, odnosno prelaska u druge zdravstvene ustanove.

Član 6.

Saglasno Statutu, nastava na Fakultetu zdravstvenih nauka ANUHS/ASUZN može biti organizirana na engleskom jeziku. ANUHS/ASUZN obavezuje se organizirati kontinuirano usavršavanje nastavnog i akademskog osoblja iz engleskog jezika kako bi „Dr Prohić Stomatologija 1930“ postao ustanova u kojoj će pored službenih jezika BiH i navedeni jezici biti u upotrebi na načina da to zadovoljava potrebe izvođenja nastave.

Član 7.

Nastavno osoblje iz člana 4. ovog Sporazuma ima pravo na naknadu za svoj rad, odnosno sudjelovanje u nastavi Fakulteta zdravstvenih nauka ANUHS/ASUZN, a u skladu sa propisima o radu u Federaciji Bosne i Hercegovine i internim pravilima ANUHS/ASUZN, i to shodno vrsti angažmana.

Član 8.

ANUHS/ASUZN i „Dr Prohić Stomatologija 1930“ će zajednički raditi na istraživačkim projektima, te nastojati iznaći sredstva za tu namjeru od državnih, entitetskih, kantonalnih, inostranih vladinih i nevladinih fondova, posebno EU fondova, kao i donacije od međunarodnih institucija, agencija i sl. Sredstva od projekata bit će usmjerena u skladu sa pripremljenim programom koji potpisuju ovlašteni predstavnici ANUHS/ASUZN i „Dr Prohić Stomatologija 1930“

Član 9.

Nastava i praksa na Fakultetu zdravstvenih nauka će se odvijati na navedenom Fakultetu u pogledu općih predmeta i u prostorijama „Dr Prohić Stomatologija 1930“ u pogledu realizacije dijela kliničkih predmeta, i to na način uređen posebnim sporazumom između ANUHS/ASUZN i „Dr Prohić Stomatologija 1930“. U vezi sa kliničkim predmetima, nastava će biti organizovana

tako da osoblje „Dr Prohić Stomatologija 1930“ ima pogodnosti u smislu rasporeda rada sa studentima.

II.- Odgovornost

Član 10.

U procesu rada Fakulteta zdravstvenih nauka ANUHS/ASUZN za svaku eventualnu tužbu prema Fakultetu, odnosno ANUHS/ASUZN podnesenu od strane fizičkih ili pravnih lica, „Dr Prohić Stomatologija 1930“ ne snosi odgovornost. Odgovornost u tom slučaju snosi isključivo ANUHS/ASUZN.

Član 11.

ANUHS/ASUZN je dužan osigurati studente za eventualnu povredu u toku boravka u prostorijama univerziteta, ali i u prostorijama „Dr Prohić Stomatologija 1930“, kada student tu borave, u vezi sa praćenjem nastave i ispunjavanjem propisanih studentskih obaveza.

Član 12.

ANUHS/ASUZN snosi odgovornost za finansijsku samoodrživost i nesmetano odvijanje nastavnog procesa na Fakultetu zdravstvenih nauka.

Član 13.

Stručnjaci „Dr Prohić Stomatologija 1930“ angažirani u radu Fakulteta zdravstvenih nauka ANUHS/ASUZN (izabrani u odgovarajuće zvanje na ovom Univerzitetu ili stručnjaci iz prakse) dobijaju rješenje o izboru u odgovarajuća nastavno/naučno zvanje, kao i rješenje/ugovor o mjesečnoj nadoknadi za svoj rad na studijskim programima Fakulteta zdravstvenih nauka.

Član 14.

Potpisnici ovog sporazuma se obavezuju da će se pridržavati visokih standarda (prostor, oprema, nastavnici, asistenti i stručnjaci iz prakse) u realizaciji različitih oblika saradnje temeljem ovog Sporazuma, tako da svaki student dobije vrhunsko obrazovanje u području zdravstvenih nauka i biomedicine.

III. – Završne odredbe

Član 15

Potpisnici Sporazuma su saglasni da će se posebnim aktima ANUHS/ASUZN i „Dr Prohić Stomatologija 1930“ imenovati osobe odgovorne za provođenje odredbi ovog Sporazuma i koordinaciju u realiziranju istog.

Član 16.

Za sva pitanja koja nisu regulirana ovim Sporazumom, a u slučaju da se ukaže potreba i interes, ugovorene strane pristupit će donošenju aneksa ovog Sporazuma.

Član 17.
Potpisnici ovog Sporazuma su saglasni da će, u slučaju spora, a vezano za tumačenje ili realiziranje ovog Sporazuma, isti pokušati riješiti dogovorom, mirnim putem i iznalaženjem obostranih najboljih rješenja, a ako to nije moguće da će formirati zajedničku arbitražnu komisiju, koju će sačinjavati po dva predstavnika strana potpisnica ovog Sporazuma, i jedan predstavnik Asocijacije studenata ANUHS/ASUZN.

Član 18
Ukoliko potpisnici Sporauma ne postignu dogovor, odnosno rješenje putem arbitraže u skladu sa članom 17. ovog Sporazuma, u tom slučaju u roku od 15 dana, mogu podnijeti zahtjev da se spor rješava pred nadležnim sudom.

Član 19.
Svaka strana potpisnica ovog Sporazuma, isti može otkazati, ali se Sporazum ne može prekinuti/otkazati dok traje ciklus školovanja jedne generacije studenata (6 godina).

ANUHS/ASUZN je obavezan informirati potencijalne studente (maturante koji konkuriraju za upis u i godinu studija na Fakultetu zdravstvenih nauka ukoliko dobije obavijest „Dr Prohić Stomatologija 1930“ o namjeri otkazivanja ugovorenih aktivnosti. „Dr Prohić Stomatologija 1930“ i ANUHS/ASUZN mogu slične ugovore sklapati i sa drugim ustanovama u domenu zdravstvenih nauka i prakse, a u cilju što uspješnije realizacije svojih misija.

Član 20.
Ovaj Sporazum stupa na snagu i primjenjivat će se od 26.04..... 2024. godine.

Član 21
Ovaj Sporazum je sačinjen u 4 /četiri/ primjerka, od kojih po 2 /dva/ primjerka zadržava svaka strana potpisnica.

Za ANUHS/ASUZN

Za Privatna Stomatološka Ordinacija
„Dr Prohić Stomatologija 1930“

Za Prof. dr Enver Backović

Prof. dr Samir Prohić

Broj:
Datum:

Broj:
Datum:



AMERICAN NORTHWEST UNIVERSITY
OF HEALTH SCIENCE AND TECHNOLOGY

Broj: 192124
Datum: 29.04 20 24 god.
04